

憶
山
堂
詩
錄

憶山堂詩錄卷之三

癸亥

夜意

入簾涼月白紛紛簾影垂垂夜欲分儘有香篝成獨
倚傳來玉篴總難聞回廊四合人如霧畫閣三層夢
是雲消息都緣語聲隔誰憑咫尺訴殷勤

無題二首

芳樹盈盈柰暮何無端哀怨到秋多如尋碧玉空蘭
蕙欲問青山杳薜蘿璧月幾成終古恨瑤箏猶憶昨
宵訛者番淚墮陳思枕怕唱前溪子夜歌

好事多磨最不平月高愁聽玉簫聲簾櫳隔卻疑天
遠心迹知應比雪清調軫良宵空躑躅倚闌前話尙
分明鸞牋好作相思字紅豆秋風幾處生

袁州倅

文揆

自滇來蘇偕尤大令

維熊

過飲時

余將有黔行作此誌別

落岑臭味結頻年會合分明不偶然綠鬢難忘惆悵

曲清樽其柰別離筵劉生任俠遊方遠

袁君以居停陳布政被臯

請室走萬里爲之摒擋

陶令能詩地愛偏

尤君任雲南蒙自令一年卽辭官歸文

字從來寫零落江湖相憶好將傳

常州懷莊四

綴甲

劉六

逢祿

兩外兄

我來惆悵蘭陵道官柳初殘雁飛早酒熟何曾一醉
酡風多直欲成潦倒我愛莊周意最真傳經劉向更
無倫尋常里巷過從慣此日天涯各苦辛莊生橐筆
遊閩海海外詩成鬢應改波濤滿眼自棲遲文字依
人足慷慨劉郎重繭走山東垂白高堂憶朔風舟行
聞阻黃河決涕淚麻衣路竟窮如此飄零更何已我
復蕭條行萬里雲樹今年冷客袍江湖何處逢知己
楓落扁舟歲序侵寒山寂歷寒江深幾番鴻雁聞遙
夜各抱明明一寸心

小孤山

寒天雲意淡如無停櫂中流見小孤幾折江波洗蒼
翠滿山樹色不模黏空將幽思留蘿薜欲挹真靈入
畫圖斜日照篷霜岸冷愁看點點欲歸鳥

江上見衰柳

衰柳株株滿夕汀江干樹色已飄零秋孃唬靨難睂
嫵詞客沈心負眼青渾似有聲風雨夕可能無恨短
長亭會須踈地垂垂後愁我征衫又此經

九江琵琶亭下作

九派江頭事惘然琵琶亭下水潺湲欲尋舊夢如流
水儻奏繁聲已暮煙此地曾聞商女調只今誰有

人船荻花楓葉舟中坐別抱清愁一少年

近聞

近聞瓠子決直欲築宣房河有北流意書難禹迹詳
如能改飛輓何用事隄防賈讓留三策因循已漢唐

武昌逢李二進士

亨圻

李密聞聲久天涯共短歌蕭疎愁正爾傾倒意偏多
各溯寒江遠相逢暮雨過論文尊沈范語舊媿劉何

君係家舅氏分校山東所得士

百里今初試二年定最科

君將調選

君才

原卓犖人望豈蹉跎此去攜琴鶴同期在軸邁客情
依漢水朝事說黃河下士憂曾切平生志未磨看杯

同眠眠起舞欲傴僂乍喜班荆語其如判襁俄榮名
誠策勵奇計自摩挲莫悵東西別清時詎輾軻

題李二

亨圻

鸚鵡詞

我憶晴江楊柳枝那堪搖落已絲絲宵來鸚鵡洲邊
雨獨咏騷人鸚鵡詞

武昌呈崔曼亭觀察

龍兄

江湖文字有因緣黃鵠山前繫客船謝傅心期在泉

石劉綱夫婦本神仙

夫人錢氏有詩名著浣青集

波濤雲夢詩千

首檠戟風霜政十年

時已乞病未歸

情語武昌城下月朝來

別思滿寒天

岳陽望洞庭湖作

遊意忽不樂思欲登高樓岳陽樓頭風雨急岳陽城
下千颿收裴裊望五渚君山在何許衆峯縹緲如羣
仙鸞翔鳳翥空中舉蒼梧雲夢不可卽蜺蜺空山愁
帝女愁帝女兮洞庭波北渚中洲兮相思多欲采杜
蘅與石蘭兮如潺湲之水何潺湲之水不知其所極
憐此江潭人已生顚顚色君不見巴陵此水流向東
溯洄遠至乘長風木葉紛紛下沅澧寒雲厯厯清山
容此時何人坐蘭棹楊艫獨唱蒼茫中憑軒四望柰
已晚徒有乙乙歸飛鴻

長沙呈韓廉訪二丈

對

歲暮長沙國重來記昔游客心懷楚澤人願識荊州
輩托諸親末門容半刺投清香凝畫戟譚咲稱輕裘
意俟低回述辭緣悃悞收賢勞知獨任公望自無儔
地近三苗竅人將五聽求從來懲獷狻端賴燭深幽
邊遠方宣化

時兼攝
藩事

朝廷重慮囚遂移三楚節忽唱七閩騶

有移臬
建之

命賤

子來吳地傳聞說海陬萑蒲依島嶼粟米藉艸舟斯
寇真游釜頻年甚竊鉤軸轡嚴此禁雀鼠詎能偷鉦
鼓增邊汎風濤試戰艘禦倭前事近籌海故書搜

丹陛資深寄蒼生待遠猷聲名韓范繼歌咏澧沅流
京國辭顏色長江柰阻脩趨庭千里近假道一程留
艤棹言難盡揚颿路未休君山徒悵悵湘水自悠悠
感遇深知已抒情速置郵他年如拓落慷慨欲依劉
泊洞庭湖口

今宵洞庭水渺渺望來多夕樹湘天遠遙雲楚澤過
可能隨夜鵲真欲托微波轉側三更後扁舟柰夢何
甲子

叢蘭

芳氣朝來不自持叢蘭元受夕風吹曾勞楚客經年

詞三
王
種足耐幽人盡日思青碗見時言可證碧窗尋到夢
休疑相看相咏還相贈只有琴心許共知

公安客舍月

明月忽然見光輝千里寒清宵難著枕涼露一憑欄
階溼愁衣薄涂長憶夢單儻尋鴻雁寄今夕在公安

贈周信之

中孚

寒冬十二月雨雪方雰雰衣單膚生粟袖縮手易皴
京華故人少閉戶無車輪文章有深契望衡得交君
君是東南儒胷中羅典墳亦裒經世術一顧當空羣
前年試拔萃奇志鬱不申遂客長安中著書度蕭晨

我從西南來乍埽衣上塵逢君抵平素自爾情彌親
舊詩互相示各各露性真我詞本麤放君作殊清新
皆非偶然出奚必分畦畛更披他述作卷第何紛綸
脩經事筆札所獲皆奇珍所著脩經堂札記四卷議論皆精竹垞考
經義纂錄良苦辛君能三往復疏通益斷斷要求櫝
中珠不拾燒後薪本朝儒林盛特立推寧人讀書
論其世紀年一編陳又著顧亭林年譜我思亭林叟述作多
精醇煩君集其要從可知迷津近時考據家墜葉同
紛紛餽飭適足厭絕學誰則臻今來得同志斯道誠
有因我家慎交社寂寞過百春風流猶未沫歎息懷

先民相期結時彥友道從可振可憐共貧賤漂泊天涯身儒冠顧悲喈朱門望逡巡但堅歲寒意莫使磨而磷短歌期君和朔風滿郊園

題周

中孚

亭林先生年譜後

甲子曾題古歲名遺民風節挹還清繙君一卷旁行

譜增我高山仰止情

亭林先生一代遺民舊君故國之思溢于文詞故其書古甲子

及古地名可以知其苦心非好奇也

乙丑

春日書憶雜言

蘭畹風多耐薄寒棠枝雨細未飄殘不開簾幕過三

月總把芳菲托畫欄

步廊曲曲徑深深不識春來幾遍尋
立向閒階人脈脈坐看芳樹思悵悵

綠薄生新粉蒼落留故衣朦朧曉玉
筋宛轉托金徽迷離南浦春草悵望
瀟湘暮雲女蘿猶在山北桂舟何處
尋君

悠悠我思迢迢漢南碧煙遙嶼綠樹
清潭子規烏咽燕燕呢喃風簾晝捲
何處驂驪

都門感舊四首

編修張先生

惠言

古文早朽蝕漢宋清淄澠先生綴遺學暗室篝明燈
桓桓荆山璞炫飾無可增人皆熱如炙已獨清於冰
問字三載前微言服我膺今來絳帷寂但有蠨蛸升
春風九城陌朝過百慮興安得迴往躅太息良不勝

丁明經授經

丁君守家法

君爲小正進士子

比迹君子儒論議貫四部搜

羅盈五車譚經意逾銳貌樸心更腴局促來京師策

勵誠良圖無端時命速奄忽還邱墟故人重意氣葬

君返舊閭

嚴鉞橋孝廉自京師還君柩歸湖州

丁君死難復嚴子道方

孤存沒原無常相守貴不渝莫陳谷風詩令我心煩

紆

金吉士

式玉

文章或可學年壽良獨難敷榮因春歇芳華隨秋殘
金君我好友酬唱結夙歡誦君詩與筆宏詞不可刪
如金出精礦如珠走玉盤才情一世希媿彼陸與潘
芳塵無住蹤玉宇空漫漫欲憑凌霄鶴寄子青琅玕
可憶年時遊宿草生人寰

錢明經外兄

瀛斯

功名不可爲遇合良有期人生譬朝露奚必多傷悲
錢君裒美質欬唾饒令姿會當掇青紫振此門祚衰

得非刑官後天道報亦隨

兄祖文敏公爲刑部侍郎

不然如君身

長命曷足疑忽聞膏肓豎侮彼秦越醫我方滯江南

痛君淚連絲今來長安道褻衷意如癡親朋各零落

過從少昔知握手語猶在盟心道難移獨堅歲寒意

用寄泉下儼

贈魏曾頌

襄并書

曾頌足下頃過腐邸未獲暢情忽憶前塵宛如疇昔

而高山旣頽及門星散絳帷已故微言不聞

張先生舊宅今

曾頌居之痛金子朗甫之蘭摧感楊生子厚之玉折於此握手

傷如之何過南皮而念應劉上河梁而效蘇李夫古

之人豈弼爲悲乎有不得已於言也作此投贈期子和之

朝指城東隅躑躅有所思昔遊總零落見子意猶疑
春風早披拂契闊陳襟期相逢自年少奚以令心悲
日月同逝波每感青雲客去者旣莫追忽焉且與夕
存者雖朱顏亦非金與石惟有相知心生死不能隔
盈盈天一方去去河無梁自惜青琅玕懷之涕沾裳
沾裳中心惻歌罷起旁皇良時各努力贈子毋相忘

寄吳筦涔

毓汾

蘭蕙茁異岑各袞絕世芳金石體殊質性亦能久長

言三
人胡挺奇姿而爲貧困傷貧困當自持懷古無終期
欲將旦暮身遠結千年思樹葉未飄墮枝條早離披
願我同心人攀折毋後時同心復何爲離居已三載
江東雲自飛塞北花已改迢迢見雙魚忽忽想風采
共惜少年時所學當不悔

感賦三首

寥落九衢裏愁多緒莫尋劍從今日缺珠又幾年沈
不灑窮涂淚猶存報國心自嫌衣漸破瑟縮一微
吟

詎是知音少難爲仰首號可憐千里足無那九方臯

門戶愁聲氣文章賴羽毛無端聽慰藉一笑暮雲高
下第詩誰和還家事竟難庭闈猶萬里情思積千端
廣陌塵空浣高樓月未寒平生好奇計更欲避人看
白年來此夢也無多

題記夢圖

和雲和月抱煙蘿記得都從夢裏過月自淒涼雲自
澄懷園五色薔薇歌朱南厓相國席上作

十洲瓊樹疑雲織三島綺花人未識天上曾零沆瀣
漿人間已滿離奇色玉堂仙客能愛花薔薇如錦鬪
朝霞碧天紅雨休飄墮深逕微香難翳遮侵曉露光

言三
猶漱瀝香濃恐逐斜陽淡遙望雲屏一幃煙但愁綠
樹千重暗對花無言花弄嬌夫容未放春蘭焦金盤
仙掌自空翠夢到玉宮魂正銷

贈陸繼幣周濟

周生躑躅風塵裏每聽荒雞中夜起陸耶憔悴腸空
熱鏤篴叫斷湘竹裂瑠璃在手呼長鯨綠雲動波疑
不平欲憑天風瞰閭闔定有素女吹瑤笙莫愁長夜
愁燭短寶劍未缺精光滿夢中曾斫瘦蛟身此日相
從亦偃蹇

贈魏大襄授河南令假歸省親

襄也吾愛君愛君方少年能於風塵中獨立操愈堅
改官得縣令墨綬紆自妍京華別友生驅馬河東煙
此行定有爲莫以祿仕全卽君同年生周濟李兆皆
無前李生入翰林玉堂儕列仙恐以作賦名誤此濟
世賢周生意鬱鬱蕭瑟將寒氈空陳萬言策歸種陽
羨田幸君改官去百里任未愆民氣有苦樂曲直情
自擎豪強在芟鉏尤貴養其孱莫因坐堂皇方詡擊
斷權統轄有大吏百事恒我牽彼有怒與喜險若谿
與淵江海下百谷此理亦可詮君家青囊經絕學數
世傳君聞過庭訓癥結能洞然從來中和藥佐使用

不偏如使投酷烈暫愈症必遷緩之或失勢膏肓入
難痊君能推是術化俗如轉圜送君燕臺下惆悵雲
在天所羨出故里鞠躬羞嘉筵有子勵清節詎比俗
吏儼大人顧之喜壽考百慮蠲我與君結交獲落身
未還無由拜高堂聊續兕觥篇君歸誦茲詩定獲長
者歡瀏覽循吏傳裴裒洛陽川對酒不能飲別意空
熬煎勉矣古人心贈君益拳拳

送陸祁生

繼輅

周保緒

濟

歸常州四首

乍檢征衫淚臨岐又數行秋情總蕭瑟別意益旁皇
征路山含碧天涯鬢未蒼豪雖猶可用珍重此奚囊

頻年交陸績豪氣近如何作賦才難盡臨觴淚轉多
餘情留寶瑟舊夢記銀河不意蘭陵道斯人尙坎軻
江東有周濟之子絕羣倫宇宙當知汝功名豈異人
鴻飛原未慕龍性恐難馴去矣輕湖海風波且釣綸
落葉忽相送秋雲卷未開淒涼寶劍賦惆悵黃金臺
各勉平生志休增岐路哀酣歌心易醉渾欲托深杯
宋湘陰縣得古鐘歌用昌黎石鼓詩韵

玉海端
拱二年

六月潭州湘陰縣長樂九乳灘下得
鍾上有古篆二十三字人不之識

常物隔世足珍異彝器往往傳詩歌塵封千年土三
尺雖有寶氣當如何一朝拂拭發彪炳如畫藻火明

矛戈端拱之年宋全盛吉金漸露石未磨光芒歲月
不銷鑠欵識鍾鼎同爬羅禹碑周碣羸秦刻三五遺
迹誠巍峩至寶零落人共惜豈使寂寂留巖阿潭州
有鍾出光怪爾具璀璨俗所訶虎氣獨沒詎流轉龍
文自煥難傳訛琳瑯照眼亦可翫彷彿倒薤摹拳蚪
雲雷時激水底石螭鈕久鎖江中鼉閤聲已咽落蘚
澁碧色欲映珊瑚柯湘山寥泝湘水深潛淵同怨蛟
人梭神物昔作周鼎棄沈淪如放龍與蛇廣韻音沙
訛何切
平波淺亦騰躍但許蕭瑟隨湘娥此鍾體製軟寒
當時搜訪來江沱貢之廊廟試考擊宮懸始作

和未央宮中萬鈞鑄雖與形似難同科銑閒鼓閒未
朽蝕八十三字銘豈多欲追詰屈口流沫異彼詛楚
知亞駝揚雄奇字猶可識斯銘空使摹千過後儒紛
紛習徒隸古文滅絕誰相磋連篇但嗤秋蚓結數畫
乃箸隼尾波沮誦自遠倉頡死裨蒼急就徒偏頗對
此躑躅箝在口羣子雪目其如他當知奇古世皆昧
不如自隳爲嬰嬰一時好古良虛語跟肘若具誰按
挈我方感此心孤往結想前事興高哦擬遊鍾下自
摹拓埋藏定已生桑鵝願除土花別真字達詰當可
追猗那鍾乎鍾乎孰辨汝晦此終古成坎軻寫圖何

時續繪事銷聲此日歸江河七百載後一憑弔但恐
不見同蹉跎

檐鐸和韵

記向山齋聽石淙恰聞檐馬鍤相撞丁寧語憶三層
閣斷續聲連四面窗鎮日當風搖未定來宵急雨恐
難降箏弦漫說含章殿輸我朝朝耳玉琤

蟋蟀和韵

花花草草總秋嚴一槩淒涼不可芟急柱有人停暗
壁清宵無夢怨征衫物微也怕時將晚心苦難教口
遽緘風雨自多聲自切須知在宇亦非凡

寄家孝廉

璠嚴州人

京華與子各沾襟一別難爲兩地心此去重尋湖上夢如予空悵北山岑相逢同姓殊秦客若動離懷且越吟各愛芳華尙年少莫看搖落入秋深

臧叔子

禮堂

輓詩

志士天所貴達德世尤希湛湛北江濱賢哲生崔巍臧君閭左儒昆弟人所睎束修靡毀玷閑言息庭闈孝德迴常儔顏閔或庶幾家傳拜經業夙昔師難兄雅故耽吾好小學殊有名巫山亦卓犖珍藝尤擘精往往揖讓閒後起前師驚讐校騎省書抉發倉斯情

京華我顚顚握手晤君伯因思叔也賢問訊似疇昔
陋巷方古人蓬蘽遺世迹同時華屋貴輩流動千百
幾人飭內行議論繁何益造物報有時豐嗇理難計
得君伯兄書言君逐川逝不朽自平生哀悼已一世
烈烈秋霜侵嚴嚴朔飈厲褰裒緬幽貞東望側揮涕

贈李

兆洛南歸

相逢何以託行藏寥落秋空比雁行斯世幾人爲渠
殘感君容我是清狂心存廣厦豪休減飲到醇醪意
轉傷陌上楊枝已蕭瑟歸來徒結九迴腸

冬日題畫山水

絕似江南燕子磯
磯頭燕子是邪非
青山千疊花千樹
爲語春風一處歸

碧月吟

碧月入戶聞天雞
秋衾夢寒綠鬢颺
瓊瑤零落珊瑚枕
方疏卻碎青玻璃
秦簫寂寞漢箏歇
玉繩自暗明河低
簾旌搖搖夕波動
象牀人倚雙蛾重
青鸞千里幾時回
絳樹一株前夜種
墜葉空驚團扇心
瑤樓溼露秋雲擁

獻南厓相國

燕臺寒意十分侵
別館挑鐙思轉沈
每見皇荅听欲

笑便成楮葉巧誰尋科名難慰桑蓬志文字曾孤吐
握心語到酬恩歎貧賤江湖徒漬淚盈襟

將之黔南蒙南厓相國賦詩贈行抒情陳謝二

十韵

兩世門牆列頻年教誨承清聲蒙過許薄植恐難勝
經義思周孔名流慕密膺微詞輕宋玉反論笑張升
大匠門無棄庸材法未繩萬言慚賈董六月豈鯢鵬
正灑窮涂淚還邀一座稱齒牙真不惜飲食媿何能
別館看花記飛觴選韵曾書名搜古筴杖履侍秋藤
垣北中台曜淮南上籍徵救人居士業論道宰官應

見士如飢渴遶才絕愛憎登雲爭洗濯失路謝飛騰
短後衣還破窮冬氣已凝悠悠征路卽戚戚別懷增
經濟平生志文章異日憑贈行憐歲暮法語勵晨興
刮目期時月持躬願雪冰黯然愁此去翦盡客中燈
十一月十八日與秦方伯瀛楊員外芳燦陳主
事鶴蔡侍御維鉅吳布衣育集薛舍人玉堂宅
時余將有黔南之行賦呈諸公四首

仲冬月旣望霜氣凜毛髮遊子不能醉臨觴已兀兀
幽薊多悲風壯心欲消歇諸公繫章服窮冷亦到骨
斗正參未橫寒雲蔽城闕且與倒芳樽軒階有涼月

我本江南人吳歆亦能爲相逢故鄉侶短歌難自持
方伯志康濟懷衷誠不私司農旣沈摯工部尤嶽崎
侍御默言論酬獻當無疑我有一尺璧抱璞質未虧
金門意零落歎息在路岐窮鳥擬趙壹賦就何人知
吳生爾奇士酒半語未終具此千載心將發一世蒙
文章有真誼議論貴折中當尋滄江濱著業齊嶽嵩
胡爲逐塵坌布鞵隨秋風東南具區澤雲木思深叢
曷不訂歸期卜鄰天隨翁此語非漫陳相要在固窮
舍人達者流往往排古今未謀明日餐且鼓此夜琴
琴聲不能續動我遊子心此心旣已哀此聲幾人識

舉首月在天乃照顙頰色行行歷沅湘消息定相憶
如傳鴻雁音無由限南北

憶山堂詩錄卷之四

丙寅

新春舟中試筆呈周希甫太守

有聲

作客偏逢江上春
春寒恐瘦客中身
長安酒伴都難忘
新歲詩情觸總真
山好預籌幾兩屐
花開思坐一重茵
竭來王粲登樓地
作賦年時亦苦辛

東風無賴太愁儂
此日篷窗意自慵
喜得山公賢父

子同吟江上好雲峯

令嗣介夫孝廉同行

洞庭浦遠漚波白

羅甸春來煙樹濃
佳境從今探不盡
何須憔悴說塵容

舟中讀書偶述二首

桓譚述孝經字異今古文題舉大者言資父以事君
忠孝衰妻子流俗語所云是以閨門章具禮尤殷殷
妻子比徒役詎有晨雞聞明皇甘章注刊落同斧斤
良由失此義臣妾氣餒熏張后與李父宮朝事糾紛
大哉元行冲陳義真空羣

羣書失要義流俗乃好奇點畫窮校讐紛若抱亂絲
典籍傳中華三千年可追何來日本書唐本售厥欺
語助意所增寶之儕鼎彝反謂師儒傳中有脫誤疵
何殊舍康莊委折就路岐昔有梁蕭琛班書古本遺
至今考同異徒足生詬訾當貴衆所見單行乃便私

臧岑校左傳史館留雍熙斥彼不足據卓越思孔維
困學紀聞引譚苑雍熙中校九經史館有宋臧榮緒
梁岑之敬所校左傳諸儒引以爲證孔維謂不可按
據杜鎬引正觀勅以經籍訛舛由劉石之亂學士多
南遷中國經術浸微今並以六朝舊本爲證持以難
維維不能對按臧岑校本定由僞托如蕭琛漢
書之類孔維疑之爲是鎬等橫詰不足憑也

武昌書懷

江波東折最思家無奈山城總暮霞此日飄零如岸
柳獨來顚顚詠江花何人解弄高樓簫似我真愁別
浦沙鸚鵡一洲寒樹遠空教詞客在天涯

讀史二首

古來兵民一後代兵民殊獨有保甲名尙存周官謨

所要清戶口以辨民瘠腴黨族率孝弟耕種佃獵俱
皆當考其業惰游姦宄誅有如蓬蒿亂不雜蘭蕙區
更比籌策陳算莫遺錙銖實心任長吏各使治一隅
編戶若指掌官民合形軀富庶自有效當異巢幕烏
居然古聖法卽此爲根株宋臣興其術乃作聚斂圖
閒歲卽囂然其笑新法愚明臣撫贛南行之效不誣
乃僅教武勇暫以防不虞數年覲斯禁奉行亦齟齬
當知保甲法痛癢能相須治相勸農桑亂其枕鼓枹
井田學校意百利一害無守令重惻怛更勿加牽拘
里長警甲長保長衆足孚必求鄉閭望毋役貪暴夫

後人議團練泥古譏儒迂但解護藩籬詎知切肌膚
四民業不究城市多狗屠

養兵值承平但縻廩中粟主者疎訓練戰馬多瑟縮
亦有豪俊人大抵髀生肉忽聞軍門令操演皆結束
騎作五雲披鎧明雪花縹往來齊足馳旂動鼓聲促
須臾列陳勢劒戟連部曲悄然賊窺營闕爾山發伏
蜂蟻萬隊趨雷電一時逐金鳴旗營失觀者皆炫目
詎知彼所習虛文不堪錄譬彼百戲陳轉戰如卽鹿
儻使禦烽煙所到易窮蹙耳目已先亂何暇計手足
昔有戚將軍武庫藏在腹訓兵若臨陳號令習清肅

技藝別真勇輕僇不容瀆故以此衆戰勁銳因不服
振旅茆舍時坐作進退熟莫謂此武臣周官竟能讀

江風曲

江上守風作

浦颿六幅槩一雙已過漢水來長江大別山西雲水
遠春風日日吹船窗沙洲夜泊聞疏雨朝聽舟師理
柔櫓忽見千檣引纜回爲驚十丈風濤怒風濤乍起
如雷霆瘦蛟欲舞驪龍醒波翻渾疑白日暗眼眩不
見青山青客意蕭條復何有楚尾吳頭一回首爲語
春來狂蕩風莫教吹折江干柳

巴陵

巴陵城接大江西渺渺湖波萬頃迷遠岸煙藏楊柳
色暮山雨聽鷓鴣嗁遊尋昔夢舟曾住人想高樓簃
未攜擬說湘靈無限恨只愁斑竹不堪題

代書寄妹

靜儀

江南六十四韻

江東別吾妹四換紫茸裘骨肉情離隔音書道阻修
曩嗟人異雁今咏鵲居鳩嫁作尊嫜事歸爲井臼謀
壻當荀令比庭失惠班儔故里荒南畝嚴君宦遠陬
寒冬隨朔雪盡室覓江漚三楚家同泛中吳汝獨留
晨昏供子舍吟眺有山樓邱嫂一身健新來百事羞
更憐羣妹弱劇繫阿兄憂吾父勤衝縣當官局遠缺

已如陳鄭病尙給餼牽求大吏時經過人奴各叫咻
徒聞駐旌節乃見執戈矛置驛申明禁臨民孰受賕
虎來皆傳翼魚味苦張罟京邑孤征去長安晚歲投
白藤携晉乘烏帽過齊州詎識疎狂慣徒增躑躅愁
金張原列戟許史總鳴騶策竟慚蘇季才難薦馬周
雲猶隔蘭殿月好看蘆溝篋裏戎韜卷燈前旅鬢秋
憂來思江海夢醒失王侯屑屑生涼吹隆隆斷曉籌
歸裝真欲束客伴且重誠鞍馬千山路篷桅一客舟
邯鄲酒還濁尉以雪初稠水記滹沱冷渠思瀆蕩湫
宣房聞屢築瓠子好同謳王景何時作支祁竟未囚

因循少奇策衝決歎平疇不住夷門道言經雲夢幽
幾回登峴首千里隔吳頭陟岵無窮恨霑襟不自由
頻年疎展奠何日拜松楸近郭君微葬孤墳宿草抽
誰題墓前碣苦憶雨中邱死別悲何盡生前淚莫收
家鄉遠懷汝夫婦近安不從母憐甥切君姑愛婦柔
經年耗纔至旅館痛難侔妹適計氏姑卽第六從母從母于去年六月沒持
服知深苦當家諒早優春風宜料檢陰雨貴綢繆馬
戶庭除謹蠶車院落揉艱辛原自好勤儉莫教休入
室甘貧賤深閨好唱酬懷中已蘭玉宅相定驂騮短
札何時達長吟去日悠如予久顛頓憶爾且夷猶養

病思歸築深耕欲買畝鄉田平似織湖水綠如油親
城尋雞黍僮奴課犢牛此時忘紫綬何用看純鉤仍
作關山越徒看歲月流三湘五回涉萬里一身游欲
弔江中石當驚壑底蚪賈生年已壯宋玉賦誰搜烟
樹還迢遞雲山易逗遛趨庭猶未近遠道復何尤波
泛沙棠檝情牽杜若洲大雷書意密細雨客程邁須
識題難盡聊因付傳郵

懷朱四

涂

我愛朱公子頻年臭味親夕陽城下別芳草客中春
此日穠華館遙思獨酌人瀟湘行未盡風雨已經旬

相國君之祖憐才最有情扶持過白日康健繫蒼生
篋裏千篇在天涯一劍輕感懷陪末座許我志澄清

二月初九夜月

推窗見明月又是上弦過清影亦未滿流光如許多
夢寒消玉枕露重憶金波只有湘中客愁聞子夜歌

贈家明府叔

漢

商邱支派分齊吳流寓久各占一郡望同出殷人後
吾叔膠州彥豁達意寡偶金馬列賦頌天祿校科斗
罡風吹大羅宰邑綰銅綬臨武漢置縣楚粵閩戶牖
桐柏山已高武溪水方瀏苗獠徧羣寨人煙住岡阜

賢侯繫深望民氣漸抖擻種類雖則殊性情所同受
但願痛癢關敢不法令守叔抱平生學慷慨足擔負
救時在循良傲彼金門友嗟屢過南嶽蒼翠滌塵垢
文母續離騷字當釋峒嶠翔鳳三十身湘岸愁春柳
庭闈千里隔破帽風塵走棲遲旅人困顛頓朱顏醜
逢叔長沙國淚落盈樽酒自古同姓親況愛賤子厚
黃鳥感客心變聲亦時有因思和縣蠻一笑杯在手

偶書十二韻

芳草看成碧天涯酒未醒夕風多怨澹遙月獨伶俚
道隔千行柳來疑數點星幃低花躑躅簾重玉東丁

執手青蛾破回眸粉蝶寧依人嫌筍滑入室愛蘭馨
福地尋能到華年思未停鳳簫今夜續鸞鏡舊時聽
暮雨寧無館垂楊記有汀蠻煙濃疊嶂江樹閒長亭
鎮日彈瑤瑟終朝倚畫屏誰明弦柱意寂寞遠山青

續惆悵詞

忽雷不能彈爲見秋波寒陌頭將離曲曾見星闌干
飛龍聞骨出單衣縫自密萬里無春風思君怨杲日
請看玉唾壺貯淚如珍珠珍珠圓亦碎芙蓉紅易枯
但結千年情難縮一尺地回環盤中詩四角相思字
相思如杜宇嗁盡春自賒只愁碧雞月不唱江南花

三至飛雲巖追感昔遊而作

我昔再陟飛雲巖飛雲不飛驚空嵌當年一別八千里重來清淚盈征衫前遊二人頭未白兄妹一行如雁翮客路方疑到故園登眺記曾停一驛其時十月寒未深迴流側澗聲泠泠梅花向暝亦已發古香襲襲衣裾侵九年荏冉星霜變骨肉飄零難得見失母人愁歌陟屺送兄詩未傳鄉縣一妹從夫一妹死只今徒有三人耳阿耶心最念諸雛提攜猶向天涯止自傷身復棄金門三度來尋雲水痕獨遊曾識山頭石小坐難聞日暮蟬男兒三十事奔走人事蕭條數

誰剖山鬼居然是故人見我休驚顏色醜

至貴陽晤伊觀察丈

湯安

以詩見示依韻奉呈

黔山萬疊瘦征駢繫馬來尋碧四圍絳帳有春絲欲
繡綠楊如夢絮初飛多情已積頻年思小別行當千
里違時余將往水城更憶趨庭賢季子何時同侍塵毛揮四公
子仰山在都中
一別已年餘矣

丁卯

記水西風土詩

謹案水西故土司安氏地今爲大定府所治歲在丙
寅余三至貴州適家君權水城通判周旋官寺行及

一年山川在目詠歌寄懷有此六篇云尔

蠻山路百折猺獠生其間羣苗此種貴約束如漢官
各私一土地奴使諸苗蠻有女不敢嫁有粟不敢餐
皆以奉頭目毋許少畏難爭訟鈞金輸曲直兩不寬
啞酒盛牛角拜跪拖銀環借問此風俗積久非一端
云皆阿五裔至今多姓安自改土歸流後土司子孫皆號土目仍世有土地人
民焉夸人就其目相訟兩家皆出銀數兩然後論其
曲直
啞酒以獻其目則以漆牛角盛之
夸人男女皆帶銀環以重爲貴

蘆笙二尺餘參差六竹管長聲黃鍾濁短聲清徵散
舞來隨節族吹去別促緩苗女共苗男明月山花滿

郎腰衣帶長兒束花裙短相見兩相歡烏烏意難斷
苗俗男女未嫁娶者於正月八月月滿夜會於山下
男吹蘆笙女唱歌曲相悅則解男衣帶爲記野合而
歸後

圓木製食器上蓋下有足晨朝設饌飲祭祀盛脯肉
萬山藏夸寨然松作明燭照此丹漆器絕非今世俗
悠然思古風無爲感窮谷康成禮器圖飄零久難錄
青金謂之鉛自古產黔中邊氓搢山足燒鉛和鑄銅
歲歲有官額家家覓良工鉛多富官橐鉛少民益窮
此非種五穀所收自難同況迺眞鬼窟人命齊沙蟲
前聞把總關萬人薶地宮

水城威寧產鉛歲額四百
餘萬斤水城兩年來所產

輒不敷把總關威寧鉛廠名
五月中以山空陷傷人極多

地鄰巴部山小馬跨最閑一人換一馬交易兩不慳
高峯馳若平深谷下未艱窮崖絕澗中時聞藪慝姦
萬人足藏納一夫亦當關恐有私鑄徒將亂官鑑鍰
官私試較量形模同肉圓睢盱當化日法律乃敢干
入市見布粟吾滋憫愚頑巴部地名在滇黔蜀三省
產小馬奸人所藏販僮奴者以馬相易
入者輒不能出私鑄之徒以爲淵藪

黔地多頑山黔天多瘴雨西來問羅甸同此一風土
草屋屏上開板牆泥下補夸風問羣柴謠俗方近古
巴僮及楚豎巨猾作貪賈彼苗恐無知姦心化椎魯

況聞深谷中漸漸無猛虎朝朝負儋人往來不可數

登飛雲巖至月潭寺作

我將往京師戒涂自貴陽來經興隆衛六日衝嚴霜
跋履蠻山閒駑馬行屢僵朝行見晴巒眸子生清光
飛雲舊遊地日夕中心藏奇觀不可窮變態盈萬方
欲識獨遊情懷昔增歎傷

登眺已移時薄言尋碑洞此洞百年餘綠蘿生野蕨
關中有劉君到此停飛鞚頗惜題名人蒼崖各磨礱
因放西安法於茲建檳棟遂哀巖上碑聚此足吟弄
俗人殊未解日鑿青落空令我思古懽夕障烟初凍

巖石多有達官摩崖作字間有立碑者康熙閒貴州布政使陝西劉蔭樞於巖足建碑洞盡取碑石弄焉今巖上碑又林立矣

更尋月潭寺松下門未開摩挲陽明記力券坐莓苔
昔賢去我遠山石空崔嵬窮達何足係身世自可哀
山水豈我好內顧增裴裒聊借明瑟境以滌塵與埃
功名緬前哲孰繼當時才

贈芷江尉蔣賓嶠

寅

朝來喜見碧巘岼艤棹恩恩語未完山水也知留謫
宦循良祇稱作卑官

君由湖北知縣左遷

近聞父老傳新政自

募民夫濬險灘郡縣幾人能舉職逢君使我感無端

辰州青浪灘望伏波將軍祠作

涉險初平處危灘此又親十年烽火地萬里往來身
漚鳥憐行客山川望古人男兒心事在好視石粼粼
銅柱蒼涼極壺頭寂莫看幾更陵谷變滅此姓名難
風雨前題在星辰往夢殘狂瀾猶未歇愁絕放清灘
戊辰

題金侍讀

芝原

百廿本梅花書屋小影

太華山下兩梅樹曾向花時遊幾度古香未歇影猶
寒前夢欲迷無覓處此日披圖不寂寥萬重香雪護
清宵花倚薄雲人倚樹詩懷怊悵太迢迢天涯各瘦

清寒骨欲寫相思芳訊闕花須憶我我憶花好證明
明天上月顚顚空隨九陌塵可憐孤負江南春年時
消息當何似試問花邊結屋人

送李申耆

兆洛

之官鳳臺令

憶昔蒼龍在星紀芒鞋再踏長安市市中轆轤聞車
輪我獨閉關謝泥滓有客告我李生來足音跼然心
自喜宣武坊南得過從輶跡落落春風裏盟心更廣
道義交兩周

伯恬吳山陸祁保緒子

生皆奇士花前呼飲月下

歌酒半欲臥中夜起晨星一散忽三年握手徒驚長
年齒李生李生志康濟裊裊蚤薄柱下史窮陰風雪

東南征故人送子情不已當以撫字事上官莫因種
秫尋耒耜八公山上足登眺淮南荒怪詞莫擬笥中
箸述補且剛行勵薄俗訂頑鄙我留冀北怕言別念
欲贈君無可以只持肝膽照白日天涯相見長終始
已已

繙書

翻書渾易券中酒似難醒庭樹作新綠客袍猶故青
田園徒有夢筆研笑無靈顙顙常年事空抄相鶴經

過沈小宛

欽韓

蓮花寺寓留宿

古寺夜過情最親天涯欲別語尤真清鍾不響松聲

詞四
寂深碧一鐙還照人
十二

庚午

索友人寫飛雲巖圖書此代柬

春來難得此番晴卻想窗間斐几明
翰帑定添新粉本雲山好記舊題名
萬重障墨都刪盡一片巒光許獨清
只是客裏無賴極欲從尺幅看縱橫

七夕

無奈三更雨銀河望獨遙
簾疏螢影靜鼎宿篆煙消
樓上誰家篴江中何處潮
涼颼吹昔夢離思太迢迢

平簫曲

平溪鄭氏取竹作洞簫分寸節度皆合古製其聲清
越聽之有雌雄家傳此技數百年矣聞其造時必夜
分萬籟皆靜蓋寄意於寂寞斯求音於窈冥亦當代
之奇製也

幽人小住黔山麓玉作溪流雲作屋夢回猶記聽雲
璈一夕參差出深竹分刊裁量寫最明虬龍欲舞夜
蜩驚會窮濁徵清商變無柰清風朗月情江湖萬里
秋風發又聽簫聲思飛越金釵綠鬢總飄零曲終已
瘦相思骨寂歷蠻烟罕見人祇憑烏咽度蕭晨何時
攜向滄江畔吹起深潭萬萬鱗

言四
三
秋日懷人詩

余以上章之歲至古羅甸之國過庭之餘每托謠詠
望遠之頃彌增永懷昔遊萬里交親不薄或道我暗
室明之以語言或慰我窮涂飽之以飲食心胷漸開
筋骸不散凡百君子厥惠孔深白雲在天相見何日
聞涼風而動懷杼短篇以寄意因想而及無所敘次
凡十七人人各一篇亦有良儔頻年杼軸以中情之
輜結轉言詞之莫申見我詩者庶勿以遺跡而棄予
也

李申耆大令

兆洛

十丈寒潭到底清李侯才識足縱橫卑官今日羈靡
統君由翰林改官江南鳳臺知縣前席何時問賈生應有山亭俱坐
歎休嫌章服計歸耕願君商權司農集好續新書號
太平

韓桂舫中丞

對

布衣獻賦愧難工慰我天涯路轉窮適館猶思尚書
宅余計偕入都中丞館余邸第在大井胡同徐原一向書舊宅也泛舟擬趁海人風
曾憐東野詩常瘦遙憶南樓月正中篋裏戎韜吾欲

寄莫將劍術咲空空

袁洲灝方正

棠

異時猶記放吳船日暮離亭亦黯然顚顚著書過歲月飄零爲客各江天故園已老三閒屋負郭難謀半頃田何日柴門課雞黍綠蓑共語一溪煙

袁仲容外弟

歲

手看河圖寫赤文少年如子最超羣龐眉書客吟疏雨烏帽遊人對暮雲萬里祇愁梅信斷一生常恐蕙香然從今不惜臨岐淚傷別頻秋半爲君

別久不得書傳聞有

異詞也

陸祁生孝廉

繼輅

綠鬢蕭疏三十餘陸郎才調果非虛十年應悔金門

策七尺猶乘下澤車蜀郡長卿貧亦爾江東羅隱意
何如劍光若在終難揜莫感秋蓬去著書

朱蘭實觀察 涂

淚漬青衫首欲搔春明話別意勞勞石麟已慟寒煙

滿

太傅公薨葬西山已四年矣

玉螭頻看夜月高

君家賜第在金鼇玉螭之左余

寄居顧我猶書殷浩字羨君蚤佩呂虔刀他年來訪

空山客只許松閒醉濁醪

袁蘇亭廣文 文揆

葉榆河畔憶騷人覓句敲詩最苦辛

君永昌人作浪穹教諭

垂

老難消文字障論交誰比性情真停桺遙夜雲千疊

解纜清谿月一輪

君甲子由越中回滇過玉屏署中語別夜半乃去

此別秋

風吹七度點蒼山色夢來頻

陳介夫處士

元福

曾將識字傲諸生肘後靈樞業更精

介夫通古文偏旁之學又善雷

灸法須惜此君原將種

介夫尊人某爲宜昌總兵善詩

肩持方術博

時名霜侵衰鬢秋無色劍鑠寒銍夜有聲鄴閨青山

蒙臉樹誰從市上問君平

吳玉松侍御

雲

未座清言最有情近來古道幾人行禁中魚豕青藜
照道上狐狸白檢明歲晚荷公留款款天涯銷我氣

英英鯉庭間植新桃李益覺飄零歎此生

公子謫人脩撰新奉

河南典試之命

周曰古孝廉儀暉

顓頊年來幾上書東方奏牘賦相如文情直欲羈天馬
愁思應難載蹇驢塵土容顏當憶我江湖鞦迹孰憐渠
尊前顧曲花前醉難忘當時興有餘

沈小宛孝廉欽韓

江鄉雲樹太重重誰識生前聚散鞦獨對空庭秋後樹
記尋古寺晚來鍾小宛寓京師蓮花寺僧舍余頻過宿高歌客裏愁
聞雁說劍宵分欲化龍歸覓楞伽山下路好將奇語

壓諸峯

張慕青侍讀燾

老去詩人作寓公，鰭鱗門裏一舟通。
柴籬相望過從熟，尺牘時來議論同。
先生家宣城挈累居蘇州，朝籍對門內與余家一河之隔。
已教遺姓氏，壁經祇許課兒童。
八年如我江湖客，無柰猖狂路正窮。

段若膺大令玉裁

小園裏足宦情，闌扶杖東籬著意看。
送老是花原未謝，磨人有墨詎能乾。
萬言秦近詞徒費，八寸遵明說太難。
稷下儒生蚤零落，何人執策試更端。

丁道久明經

履恒

丁儀才思劇雄豪歌哭花前日幾遭乞食津沽聊慰
藉題詩燕市怕牢騷戊辰夏日余與道久同客天津相逢潭水深千
尺惜別秋風見二毛劍外羣峯原寂歷祇教望遠涕
沾袍

臧在東文學

庸

蕭然樸學世誰稱盡削繁枝據上層滿座儒林看奪
席幾家師說得傳燈馬肝轅固原難食鹿角朱雲折
未能羨爾讐書如斷獄何時遍錄剡谿藤

蔣香杜孝廉

廷恩

歲月功名兩不賒如何詞賦尙天涯萬言射策心猶壯一卷參同鬢未華枚叔檢陳梁苑雪

君客禮王郎中盧仝

詩憶洛城花遲迴更有岐涂客夜起愁看斗柄斜

莊卿山外兄

綬甲

家法相傳世不輕絳帷同拜鄭康成山河兩戒勞車馬參井三年憶弟兄廢疾當爲周禮起微言要在孔書明

時輯鄭氏學

告君窮達渾閒事莫以糊名誤此生

中秋平遠州官舍獨坐憶諸妹書六百字寄之
我本長安客趨庭到大方逢人嗟泛梗駐馬正垂楊
草異餘春碧槐綠過夏黃頻看弦上下已歷氣溫涼

酒興渾無伴詩懷未減狂蠻天風更雨瘴地暝成滄
骨肉分飛雁謳吟斷續蜚難窮千里目聊寫九迴腸
遠宦山川阻嚴親鬢髮蒼訟庭勞案牘獠俗苦耕桑
官寺疑三宿州城小一障住應難暝席行已聚春糧
薦土青錢選衡文玉尺量易書朱亂墨鑠院棘爲墻
時嚴君入闡分校似水朝衙靜如雲午夢長獨居關小閣微
詠步虛廊硯石慵頻洗書籤亂不裝舊文抄自誦邨
釀貰先嘗刻畫迷蟲篆編題笑鼠薑探奇懷二酉別
僞自三唐剛唐文粹令小史錄之賦體驚由鹿書工劣弄麀孳
朱盈櫝樞數墨對琳瑯古思精廬托秋容老圃荒紫

薇消舊跗玉藕綻新房桃熟枝嫌重榴翻子未藏花

遲憐日及葉密護雲漿衆木名難識羣葩候不常朝

披看桂荏夕秀又梨棠繞砌添紅葯依欄靜綠篁

旬日殊半復發春華鳥嘯催蠟屐人病嬾匡牀曲徑松烟滿層

崖荔帶芳狐鞵愁太狹蜮影晚須防坐石衣嫌冷披

枝手未傷騷人亦寥落山鬼久徜徉斷碣留三尺題

名覓數行衙後一山頗具林巒之秀並有前守立碑題字嗣有僉父于山足廣場盡作米廩欄

園蕪穢不藤蘿攀易盡歎咏亦無妨文手吟高閣疑

可登眺矣昨已夕陽有碑傳碧落沒字似微茫岫嶠形原絕寥

空影獨望摩難憑翰帑迹擬寫縑緗登山亭望東南里許衆山間有

文餘碑影天
晴日落時見

夢欲矜天姥書宜補夜郎星辰攜滿袞

雲水欲褰裳瘦骨仍顚顚清遊想頽頽惠連思道韞
羣謝傲諸王子半牛方沒陰中雁未翔臨風頻削牘
對月幾停觴奇漸銷文陣清愁鑱劍光功名徒歲月
魂夢隔江鄉驥欲馳千里鵬期接九閭壯懷今不似
豪想詎能忘行儼穿書笈重教理襍囊文誰移北斗
字怕照春坊道路懷門子晨昏托紀綱頻年徒厯鹿
八口費周章但屬加餐食渾難計稻粱身心誠不定
筋力總須強脆弱風寒易調和葯餌將大書言莫盡
童約事宜詳寄遠聊纖悉抒懷獨慨慷何堪復蕭瑟

庭樹送清商

飲席錄別

低徊聽瑤瑟靜夜各停觴十五憐車子清聲竟繞梁
嫌渠添怨恨從此費思量今夜山村宿寒更倍許長

黃平州贈李少府

昭祿

記得連牀話如君氣亦豪一官何拓落小飲欲牢騷
吏道茲多雜才名不世遭龍場問王子精舍已萋蒿
山水天資汝官衙足養親搜詩頻洗石留客共披榛
漸與浮名遠當開別境新憐君章服繫難作在山人
儻誌飛雲洞當思舊雨心千篇皆可削一字不教侵

泉有獨清意松傳太古音
寫將圖並記足耐畢生尋